



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
Tribunál Distritál Dili
20 Janeiro 2016

Komunidade sira hosi Suku Coto-Lau, Sub-distritu Laulara, Aileu hatudu sira nia antusiasmu makas treinamentu JSMP kona-ba kazu violénsia doméstika no asesu ba justisa

Iha 19 Janeiro 2016, Judicial System Monitoring Programme (JSMP), liuhusi Unidade Relasaun Públiku no Unidade Programa Observasaun Parlamentár (POP) hala'o treinamentu ba membru komunidade, iha Suku Coto-Lau, Sub-distritu Laulara, Distritu Aileu.

Iha treinamentu ne'e, JSMP apresenta materia kona-ba krime violénsia, kna'ar no kompetensia autór no instituisaun judisiáriu sira, tipu krime no sira nia natureza krime ida-idak, tuir sistema justisa formal, opsaun sira ba justisa tradisionál no konseitu baziku kona-ba direitu umanus.

Treinamentu ne'e, partisipa husi lideransa komunitária inklui membru komunidade sira husi aldeia haat, ne'ebé kontitui hosi Aldeia Ornai, Buinona, Coto-Lau no Ramelau. Partisipantes sira hamutuk ema nain 30 ne'ebé kompostu hosi feto ema nain 11 no mane ema na'in 19.

Durante treinamentu, partisipante sira hatudu sira nia antusiasmu makas ba iha prevensaun ba iha kazu violénsia doméstika, violasaun seksuál no lala'ok implementasaun kna'ar autór judisiáriu sira.

“Hanesan membru komunidade, formasaun iha área legal no justisa formal ne'e importante tebes atu hasae sira sira koñesimentu ne'ebé adekuaudu atu bele fó solusaun no prevensaun ne'ebé efektivu ba kazu sira ne'ebé akontese iha sira nia komunidade rasik,” dehan Diretór Ezekutivu JSMP, Luis de Oliveria Sampaio.

Iha treinamentu ne'e, partisipante sira kestiona kona-ba violasaun ba direitu umanu ne'ebé komete husi oknum instituisaun PNTL no F-FDTL hasoru sidadaun babain sira. Sira mós kestiona ba papel PDHJ ne'ebé laduun sériu hala'o sira nia papel atu buka tuir (follow up) rekomendasaun ne'ebé sira hatoo ona ba instituisaun relevante sira hasoru oknum hirak ne'ebé involve iha violasaun sira hasoru komunidade.

Xefi Suku Kotolau, Sr. Mateus Barreto apresia tebes ba JSMP nia prezensa. Responsavel ba suku ne'e konsidera katak treinamentu ne'e importante atu fó koñesimentu jerál ba iha nia komunidade sira kona-ba violénsia doméstika no violénsia bazeia ba jéneru sira seluk, no lala'ok sistema justisa formal enjeral.

JSMP sente orgullu bele kontinua programa treinamentu ne'e ba iha comunidade sira ne'ebé bele ajuda comunidade sira lao tuir prosesu formal ne'ebé ejiste ona.

Atividade treinamentu ne'e hetan suporta husi Embaxada Canada iha Jakarta-Indonézia.

Atu hetan informasaun klean, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone:3323883 | 77295795

Rua setubal, Colmera, Dili Timor Leste

PoBox: 275

Telefone: 3323883 |77295795

www.jsmp.tl

Facebook: www.facebook.com/timorleste.jsmp

Twitter: @JSMPtl